



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

CXV [i. e. CXVI]. An Consensus parentum neceßariò requiratur ad
Matrimonium Ratum?

urn:nbn:de:hbz:466:1-11726

obligatio ad legem, donec vel Lex abrogetur, vel coniux moriatur: ita morte Christi factum, & Lex mortua est, & homines in alium translati sunt statum, ceu mortui legi veteri.

QVÆSTIO CXV.

An, & Quæ sint Impedimenta Matrimonii?

LUTHERO-CALVINIANI promiscuè, Ex parte Consensus impedimenta matrimonium contractum Dirimentia admittunt tria, Errorem, Conditionem, Coactionem: Addunt Defectum consensus paterni. Ex parte Personæ, duo simpliciter: Impotentia reddendi debiti, & Ligamen: Duo non simpliciter admittunt, Cōsanguinitatem, & Affinitatem; sc. quoad Gradus in Leuitico designatos; cætera reiciunt, ac damnant. *Melanct. in Locis tit. de Cōugio. Lutherus serm. de Matrim. Duodeniginti causas in suo Iure effinxit Papa, quibus omnibus matrimonium vel dissipet, vel impediat: Quas tamen ferè omnes & reicio, & condemno.*

AUTOR. Impedimenta sunt duplicia: 1. Impedienita; sed non Dirimentia; quæ aduersantur Matrimonii, non Essentiæ, sed Solennitati, vel accidenti. Quæ sunt duo:

Ecclesiæ Vetitum; nec non Tempus Fariatū, Impediunt fieri, permittunt facta teneri.

2. Impediētia & Dirimentia, quæ Essentiæ Matrimonii aduersantur sic, ut cū iis nunquam sit verum matrimonium. Hinc contractum de facto, non de iure irritum reddunt. Sunt ea XII.

Error, Conditio, Votū, Cognatio, Crimen, Caltus disparitas, Vis, Ordo, Ligamē, Hone-
Si sis Affinis, Si fortè coire nequibis. [Itas,

Hæc socianda vetant connubia; facta re-
tractant.

Essentialia autem matrimonii sunt tria, 1. *Consensus*, ut causa Efficiens qui ponit Intentionem: 2. *Cum Signo expres-*

sus, ut Formā; quod tale est, qualis Consensus verus, aut falsus: 3. *Inter Legitimas Personas*; quæ sunt Materia. Ex parte Consensus est Ignorantia personæ, vel conditionis; & Coactio. Ex parte Personæ, cætera accidunt omnia.

Porro nos de iis solum, quæ controvertunt Aduersarii.

QVÆSTIO CXVI.

An Consensus parentum requiratur necessarium ad Matrimonium Ratum?

LUTHERVS Serm. de Matr. Si ex Matrimonio citra consensum parentum contracto, sit nata proles; firmum esto matrimonium. Si nendum sit nata in potestate parentum erit confirmare vel irritare. 2. *ERASMVS* in Dialogo de matr. *Inscis parentibus contractum, nec Natura sensus approbat; nec Veterum leges; nec Moyses ipse; nec Evangelica, aut Apostolica doctrina.*

3. *Bucerus in Mat. 19.* optat reuocari in vsum leg. s. ciuiles, quæ vetēt contractas absq; parentibus. 4. *Brentius in Catech.* iubet in eo stare iudicio magistratus: quidd sint casus, in quibus consensu parentum nil opus. Sic & *Kemnitius. CALVINVS. &c.*

SVADENT istis, quæ collegit *Kemnitius p. 2. Exam. pag. 1273.* ex prædictis. 1. *Quia Pontificii quidam, ut Gropperus in Inst. Colon. affirmant requiri consensum.* 2. *Talis esse debet coniunctio, ut eius autor esse Deus possit. Nam, Mat. 19. Quod Deus coniunxit. &c. At Deus non est autor illius, quod contra eius preceptum contrahitur. Nam in quarto Decalogi iubentur liberi obedire parentibus: Idq; exponitur Col. 3. Filii obedite parentibus PER OMNIA. Proinde Istud Relinquet homo patrem, &c. Et adhærebit uxori, intelligi debet de matrimonio consummato. Sic lex Dei Exo. 22. Deut. 22. Item, Num 30. Si puella quid vouit in scio patre, hic irritare potest: ergo & sponsonem matrimonii Deniq; Deus mediante præcepto iungit duos, sine quo Medio nulla est coniunctio.* 3. *Iura Ciuilia irritant sic cōtracta: quæ aiunt; Ciuilib & naturalis ratio suadet hoc fieri, in tantum, ut iussus parentum præcedere debeat.* 4. *Ius Canonicum sæpè iubet idem.*

AV-

AUTOR. I. Solo parentum consensu, inuitis liberis, fieri matrimonium nequit. Ideo Gen. 23. *Vocemus puellam, & inquiramus eius voluntatem.* Sic & Ius Canonicum. Sic **RATIO:** Quia eorum consensus requiritur, qui formam matrimonii pronunciant: *Ego te accipio in meam, meum.* Hæc enim falsa foret absque consensu contrahentium.

I I. Solo prolium consensu, in sciis aut inuitis parentibus fieri matrimoniū ratum valet; nec parentes seu Magistrat⁹ id irritare valet. 1. Sic Esau, Gen. 26. duxit duas, & Gen. 28. duxit & tertiam: & tamen eas Scriptura vocat *Vxores*, nec inuiti parentes irritarunt. Iacob, Gen. 29 30. in sciis parentibus legitimè superinduxit tres alias, Tobias, cap. 7 in sciis parentibus duxit Saram; nec Angelus eū monuit paterni consensus. 2. Sic Ius Canonicū. 3. Sic **RATIO:** Quia nihil Essentialiū deest, non Ministri intērio, nō Materia, nō Forma. Cōsensus autē plenus est, cui est arbitrii Libertas, & Maturitas cōsilio non necessaria: subiectio sub parētibz nil obstat, nec adimit libertatem arbitrii. 4. Coniugū seruorū, inuitis Dominis, est firmum: ergo magis liberorū: ac tametsi Ius gentiū induxerit seruitutē, impotens tamē fuit ad ius illud seruis adimendum. 5. Lutherani volunt Consummatum valere, vt *Luth. Melanch.* at copula nec addit prudētiā, nec eximit à patria potestate; ergo solum arbitrium eorum sufficit. Deinde; si iure fuit consummatum; ergo & iure contractum fuit: Si non iure consummatum fuit; ergo nec iure potest irritari. Nec stuprum Virgini factum, efficit matrimonium: *Exod. 22.*

I II. Proles in sciis vel inuitis parentibus, sine iusta & rationabili causa cōtrahentes, peccant, vt inobedientes, nisi parentes iniustè resistant. Quia horum est liberis prospicere; vt, Gen. 24. Abraham Isaac. Exo. 34. Patentibus præcipitur: *Filiam tuam non dabis filio eius Cananæ.*

Dico Ad I. Gropperus loquitur de clandestino matrim. facto in sciis parētibz, & Ecclesia; idq; malè negat esse Sacramentū; non negat tamen esse matrimonium. Et Groppero vni omnes opponimus Theologos priscos & nouos.

Ad II. Ista probant, liberos sic contrahendo peccare; non autem non fieri matrimonium verum. Deus verò est autor matrimonii, cuius adest materia, forma, & minister, cum intentione prolis gignendæ. &c. Ac licet non adsit autor Deus ex parte contrahentium cum peccato, adest tamen iusto contractui & Sacramento. Quartū verò præceptum est ad mores formandos, non ad Sacramēta ministrāda. In *Deut. & Exod.* agitur de futuro matrimonio, nō de contracto. *Numer. 30.* agitur de impuberibus, quæ non plenum est iudiciū. Media Matrimonii valent eò, vt sit gratum Deo; non vt sit ratum ac verum in se.

Ad III. Ius naturæ docet, ples debere subiici parentibus; non tamen ideo docet inualidum reddi matrimonium.

Ad IV. Iura Canonica militant cōtra Luthero-caluinianos. Vide *Bel. c. 20.*

Q V Æ S T I O CXVII.

An Votum, & Ligamen inhabilitans ad contrahendum?

L VTHERVVS, l. cap. Bab. c. de matr. Ligamen Sponsaliorum dirimit sequens cum alio matrimonium, iure diuino.

SVA.